

ժարանն և քաջաբերեցին զմեզ և եւս
յառաջագիմել ուսման և կրթութեան
ասպարիզին մէջ, այս եւս մեծ բարե-
բարութիւն է մեզ համար :

Ի վերջոյ, խոստովանելով մեր ան-
կարողութիւնն ի փոխարինութիւն Ձեր
անբաւ բարութեանց, սրտագին բա-
րեմաղթութեամբ հայցեմք յԱմենա-
բարի Արարչէն ընդ հովանեաւ ամեն

առատ խնամոցն անսասան պահել
զՍուրբ Աթոռս յաւիտեան, շնորհել
Սրբազան Հօրդ, բարեջան Միաբա-
նութեանդ և համայն Աղգային բա-
րերարաց երկար եւ երջանիկ կեանս
եւ բարերարութեանց փոխարէն իւր
անհուն գանձէն պարգեւել ի փառս
իւր և ի շինութիւն լուծեան Աղգիս :

Հ Ր Ա Ի Ի Ր Ա Կ Մ Օ Ր Ն Հ Ա Յ Ա Ս Տ Ա Ն Ի Գ Ա Ր Ո Ւ Ն

ՏՐՏԱՍԱՐՍՈՒԹ սառնամանիք ձըմերան
Փախստական գնացին յերկրէս բացական,
Սիւգ ջերմագին անկեալ զօգուլքս աղինեան՝
Բացան դըրունք յաւէտազուարճ սուրբ գարնան,
Օ՛ն հայկազունք յարեգդէմ
Յաստուածաստունին ի յեդէմ :

Ձայն սահանաց յանձաւախորըս լերանց
Եւ խոխովուն գարնանազայր հեղեղաց՝
Հուսկ հառաչք են հեծեծանաց հիւսիսին
Որ գետավէժ արծակէ զունչ իւր յետին :
Օ՛ն հայկազունք յարեգդէմ
Յաստուածատունին ի յեդէմ :

Վարդ եւ շուշան փթթինազարդք ի հովտին
Խումբ պար առեալ փայլին ի ցօղ կենսածին,
Իբր աստեղաց բոլքն յեթերին ի կամար
Ճաճանչագեղ շողան ի լոյս վառ ի վառ :
Օ՛ն հայկազունք յարեգդէմ
Յաստուածատունին ի յեդէմ :

Վտակ վճիտ սահեալ հեղիկ ընդ մարմանդ՝
Ձուխսն անուշակ ջամբէ ծաղկանց երկնազարդ,

Իբր առ մանկիկ բաղմաբեղուն ըստինք մօր
Ըզմեղրաբուղին արբույանեն կաթին ծոր :

Օ՛ն հայկազունք յարեգդէմ
Յաստուածատունին 'ի յԵդէմ :

Օղականացն աշխոյժ երամք գունագեղ
Սիրատենչիկ քաղցրախորժակ 'ի գեղգեղ
Ճախր ընդ այերս առնուն 'ի թռիչ սաստկասօր
Եւ կամ դադար 'ի ստուերս մայրեաց արջնաթօյր :

Օ՛ն հայկազունք յարեգդէմ
Յաստուածատունին 'ի յԵդէմ :

Ըստուերք ծառոյ պճնեալք 'ի թաւս սաղարթաց
Ծրփին մեղմիկ յառաւօտին հովհարաց ,
Յանսարագեղ 'ի բաստեռունս ծաղկաղգեաց
Իբր 'ի փափկիկ կուսին 'ի յուս վարսք հերաց :

Օ՛ն հայկազունք յարեգդէմ
Յաստուածատունին 'ի յԵդէմ :

Ի խոր թաւուտս անտառակաց ստուերաշուք
Ի թռիչ յահուր վագեալ վագեն եղջերուք ,
Ու 'ի մարգածիր կարկաչուն խաղըս առուաց
Խայտան մայեն օգիք այծիք գեղմաբարձ :

Օ՛ն հայկազունք յարեգդէմ
Յաստուածատունին 'ի յԵդէմ :

Բոյլք բանակացն աստղակաճառ զցայգն ողջոյն
Փայլ փայլ ըլստով կաթեն յալիս դողդոջուն .
Այն ինչ խարտեաչ ծագեալ մահկին մեղրալոյս՝
Յաղօտ ըստուերսն արկանէ զղարչն ոսկեհիւս :

Օ՛ն հայկազունք յարեգդէմ
Յաստուածատունին 'ի յԵդէմ :

Ի պար անցեալ դշտոյ գարուն սրտակաթ
Կեանս թոյր և բոյր ձօնէ յոսին իւր 'ի կայթ .
Երբ և իմ փառք յաւերակացն հայրենի
Փթթինագեղ անդրէն նորոգ բողբոջի . . . :

Օ՛ն հայկազունք յարեգդէմ
Յաստուածատունին 'ի յԵդէմ :

Աւետիս Կարապետէան Կ. Պօլսէյի
Աշխ. Ժառանգ. Վարժարանի :